

DEO OPTIMO MAXIMO UNI ET TRINO, VIRGINI DEIPARÆ
ET SANCTO LUCÆ, ORTHODOXORUM MEDICORUM PATRONO.

QUÆSTIO MEDICA,
CARDINALITIIS DISPUTATIONIBUS MANE DISCUTIENDA
IN SCHOLIS MEDICORUM, DIE JOVIS XVIII. FEBRUARII MDCCXVII.

M. MICHAËLE PROCOPE COUTEAUX, Doctore Medico, Præfide.

An Aër frigidus & siccus salubrior?

MEDICINÆ pars ad proximum spectans, Theoreticâ cognitione præstantior. Hæc enim Systematibus sæpe falsis, saltem inconstantibus nictitur, pro tempore, loco, varia apud varios; illa è finit naturæ prodit, experientiâ probatur. Hujus pars duplex circa sanitatem occupata, quatenus scilicet vel præsentem conservat, *isomni* insignita nomine; vel amissam recuperat, *isomni* vocata. *isomni* præcipua laus esto: Nusquam enim *isomni* operâ egemus nisi propter in vitæ ratione Erratum. Peatus ille qui bonâ valetudine gaudet, Sanitas auro pretiosior: facilitus servatur præsens; amissa, vix, vel ægrè, & longo cum tempore, fastidio, redintegratur. Consideranda nobis igitur ea veniunt de quorum usu legitimo tractat hæc scientia. Res vulgò non naturales dicunt, eò quod humani Corporis naturam, (compositionem purâ,) non ingrediantur. Inter illa non infimum tenet locum Aër, vitæ spiritus hædè ineptè dictus: quamobrem qui doctus ad sanitatem conservandam necessariis magis est præditus, is eligatur.

SANITAS, cum sit aptitudo in corpore ad exercendas actiones homini proprias cum facilitate, oblectamento, & quâdam constantiâ, & cum posita sit in determinatâ mobilitate partium tam firmarum quàm fluidarum, seipsam sensim destruit mechanicâ ipsius molis humanæ compage; quin etiam quotidie dæritur ex abusu rerum non naturalium, quibus non tam utimur quàm abutimur. Inter hæc, injuriæ & vicissitudines inevitabilis & necessarii semper Aëris, majori damno corpus afficiunt. Hujus itaque diligens delectus, & in præscribendis de ipsius usu legitimo, legibus, magna cautio habenda. Difficile tamèn ita promulgare has leges, ut observatio earum omni homini æqualiter profuit. Hujus difficultatis causa ab uniuscujusque *idiosyncrasia* ut plurimum pendet; propter hanc enim in variis hominibus sæpe numero unius & ejusdem Aëris effectus oppositi.

AERIS nomine, intelligenda venit liquidi moles illa corpus nostrum immediatè ambiens ex omni parte, & quam inspiratu maxime ducimus. Hæc vel placida, tunc Aëris nomine simpliciter designatur; vel sæpius sensiliter commota, & Venti nomen sortitur. Ventus ergò merum Aëris accidens. Ventorum differentia seu divisio generalis in erraticis & regularibus admittitur, & quidem appositè; illi enim ex incertâ regione, hi à certâ mundi plagâ, spirant. Regularium præmissis habenda ratio: Erratici nempe à locis præsertim pendunt. Illorum quidam anniverfarii, Cardinales alii dicuntur quod à quatuor veluti mundi Cardinibus spirent.

*Nam modo purpureo vires carpit Eurus ab ortu,
Nunc Zephyrus sero vespere missus adest.
Nunc gelidus sicca Boreas bacchatur ab Arcto,
Nunc Notus adversâ praelia fronte gerit.*

Aëris, sicut & Ventorum, potestas omnis tum à substantiâ, subtili vel crassâ, vaporibus repletâ vel isidem orâ; tum à primis qualitatibus, oritur & agit in nobis, Magna in Aëris delectu habenda cautio. Aquilonem crede, seu frigidum & sic- cum sanitati magis convenientem, utpotè qui minores noxas, quàm cæteræ species corporibus infert; & à quo præterea humani corporis functiones ab ipso pendentes ad amussim peraguntur.

BONA respiratio, insensibilis perspiratio laudabilis; functiones in nobis ab Aëre præsertim pendentes. Utraque facilius in Aëre frigido siccò peragi docet natura; his enim doctus Aër præditus suo gaudet elaterio; Unde pulmonis expul- sario facilior, in ejus vasis contenti sanguinis divisio major, conquassatio, tritus fortior. Ex pulmonibus in sinistram cordis ventriculum, & à corde per Aortam in omnes corporis partes sanguinis ejusdem validior impulsus, expeditus cir- cuitus; à quibus vita, motus, secretiones dependent omnes. *a* Quod verò ad insensibilem perspirationem spectat, audi SANCTORIUM à SANCTORIO. « Aër frigidus, lavacra frigida, corpora robusta calefaciunt, caque auferendo superfluum, reddunt leviora. *b* Idem paulò infra in Aëre frigido salubri, (idest siccò,) prohibetur quidem perspiratio, acclivatur meatus, sed roborantur fibræ & perspirabilis retenti pondus, nec lædit, nec sentitur. De Aëribus quoque sermonem fa- ciens divinus Senex, frigidum & siccum ita commendat: *c* Tempestates, inquit, Aquiloniæ quidem solida reddunt corpora, tum etiam firma & ad motum expetita, & benè colorata.

a Statice Sessione 2, Aphor. 1.

b Statice Sessione 2, Aphor. 7.

c Aphor. 17. Lib. 3.

AER calidus, humidissima Oculorum, Narium, Aurium, Oris, Asperæ Arteriæ dissipat; Vascula exsiccat, Pulmonis cruorem magis cogit; utraq; causâ Pulmonis actiones impedit; multos morbos inde oriundos excitat; humores semper tenuiores aufferit, dissipat mobiliora, lentiora aggregat, compingit, exsiccat; ergo partes Aquosâs, Spirituosâs, Salinas volatiles, assiduò diminuit; Contra verò Salina fixiora, Olea crassa & tenacia, Acria exsusta, tum terrestria fixa auget, accumulât, in Massas irresolubiles unit; hinc itaque Immobilitas humorum, simul elongatio & debilitatio solidorum, & quæ inde sequuntur obstructio, exsiccatio, inflammatio, coctio læsa & impedita. « In Aëre calido corpus est minoris roboris, tum quia cum perspiratione exhalat aliquid bonorum spirituum, tum quia calor non est concentratus: ita Sanctorius. Si Aër sit humidus, laxat, solvit, debilitat; fibras imprimis Pulmonales, setum Pulmonis retinet, auget, accumulât, perspirationem in his prohibet. Hinc Aër Austrinus omnium pessimus undè.

Lebiferis calidi spirant æstibus Austri.

e « Austri cum suis collateralibus, inquit Hippocrates, calidi sunt & humidi, Nubium & Pluviarum parentes. Idem alibi, Austrinæ tempestates corpora planè resolvunt & humidiora reddunt, tum etiam Auditus graves; & capitis gravita- tes, *f* Vertigines inducunt tenebrosas, tum ipsis oculis totique corpori in movendo difficultatem afferunt, alvumque humidam reddunt. Notus etiam humidus nocet corporibus; quando

*... Madidis notus evolat alis,
Terribilem, picæ rectis caligine vultum:
Barba gravis Nimbis, canis Fluit unda capillis,
Fronte sedent Nebula, rorant penneque sinisque.*



Itaque Venti calidi, humidi habent noxas & Nocumenta; Audiendus jam Boerrhæve, *g* Aër purus, inquit, campetis, Montanus, frigidior, laudatur præ cæteris. Si tamen purus & vacuus exhalationibus, siccus scilicet, nec vaporibus gravis.

d Statice Sessione 2, Aphor. 25.

e Aphor. 1. Lib. 3.

f Aphor. 17. Lib. 3.

g De Dietâ ad Longevitatem.

Ergo Aër frigidus & siccus salubrior.

Proponerebat Parisiis GABRIEL-ANTONIUS JACQUES, Baccalaureus Medicus, A. R. S. H. 1717.